



ЛУИМА СЭРИПОС

www.khanty-yasang.ru

Общественно-политическая газета

E-mail: luima@ugracom.ru

Основана 11 февраля 1989 года

22 августа
2014 года
№16
(1082)



В. Чеказова-ва̄рум:хури

Хурит округ кўщаюв Наталья Комарова ос ма̄ньщи а̄гириш
Марина Загайнова п̄слым бл̄г. «Мань Ускве» ўц̄лахтан ма̄, Ясунт п̄авыл.

Ты
номерт
ЛОВИНЬТЭН:

Акван-нётхатым
эла̄ль
рўпитэгыт

2

С̄ав нот
ōлнэ сossaң
мирыт

8-9

Хусыт
т̄алэ та
т̄ōвлыс

10

ōлнэ колыт
ўнтгын урыл
ляххал

14

Сунс̄эн ос
пусмалтахт̄эн

15

ЛЯХХАЛЫТ

Акван-нётхатым элаль рүпитэгыт

Округ губернаторув Наталья Комарова ос Тюменский областт ваньын кұшай пентсыл рүпитан губернатор Владимир Якушев Нягань ұст акван-хонтхатыгласыг. Тән ос мот кұшайт аквьёт вәрнэ тэланыл урыл потыртасыг, тувыл ұсың махум олупсаныл овылтыт пұмшалахтасыг. Та юи-палт Югорск ұсн ялсыг.

Овлэт кұшайт Нягань ұст олнэ пұльницан тотыглавёсыг. Ты яныг эрнэ колыт округт олнэ махум агманыл сыресыр ищхипың утыл пусмалтавет. Лёккарыт 48 савсыр пусмалтан агмширыл рүпитэгыт. Ос махум янгыш тот сым агманыл пусмалтавет. Таимагыс матыр эрнэут ёвтым пуссын олы.

Тот акв матумпала эква сым агме тарапаттын магыс операциял вәрвес. Лёккарыт ты вәрнэ рүпатаныл сунсуңкве тув кұшайт тартсаныл. Ань эква матыр сым агм онышке, таи пуссын савсыр ищхипың утыт хосыт тарапатэгыт. Ты коньпал яныг махум мот рүпитан колнакытн щалтсасыг ос тот савсыр агмыт пусмалтан утыл тан суссылтавёсыг.

Сергей Доганин, пұльницат кұшайг олнэ

хум, лавыс: «Мән матыр эрнэ пусмалтан утыг ёвтуңкве «Сотрудничество» программаширыл олныл нётвесув. Тувыл мән палтув сака номтың лёккарыт рүпитэгыт, тәнки тэланыл яныгёт вәганыл ос ищхипың утыл рүпитаңкве мұсхалыг хаништахтасыг. Пуссын ты кастыл махум агманыл ёмашакв пусмалтавет».

Наталья Комарова ос Владимир Якушев пұльницат рүпитан махумн ёмас сымың

латың лавсыг. Ләтқанән мүй хотпат ёхталам нэпакт хассанән ос мүйлупса мисыг. Мән губернаторув няврам пусмалтан колын матыр ёвтнэ магыс олн нётмил нэпак мүйлуптас.

Тыгыл кұшайт Няганский ГРЭС мән тотвёсыг. Тот тән ты йильпи рүпитан кол суссыг ос махум ёт потыртасыг. Тан «Фортум» нампа корпорцияг лававет. Александр Чуваев, вәңыг кұшай хум лавыс: «Ты гидроэлектростанция молты тал яныгполь ётпост рүпитаңкве овылтахтас. Овлэт 420,9 мегаватт вәгёт рүпитас, ётылнун китыг энергоблок вәрыслув ос тав 454 мегаватт онышис.

Мощёртын хұрмит энергоблок вәрилув ос тав тыгыл савнун вәг онышункве паты тах. Пуссын яныгёт ГРЭС акв согыра 254 мегаватт вәгётыл рүпитаңкве паты тах».

Наталья Комарова лавме ширыл, ань ты ошнэ колкастыл Лүимат олнэ махум найпосталат хулытэгыг, ос нэмхотты мот тарвитын ат ярмёгыг. Владимир Якушев элаль потре тотыстэ, тувыл Няганский электростанция попутный газ ёт рүпитанётэ кастыл Юграт, Ямалт ос Тюменский областт олнэ махум тынталнун найпос онышункве патэгыг. Ты ос сака ёмас вәрмалиг олы.

Тувыл яныг кұшайт Нягань ұст ос Октябрьский районьт олнэ махум ёт вәшинтахтасыг, сав эрнэ тэланыл овылтыт аквьёт потыртасыг. Та юи-палт кұшайт Югорск ұсн ми насыт, тот аквтох Советский, Югорск, Урай ұсың махум ос районьт олнэ махум ёт акван-хонтхатыглалсыг. Губернаторыг махумн савсыр тәлат урыл китыглавёсыг, товат матыр нётмил вәрнэ тәла кисыг.

Ань «Содружество» программа ширыл Югра, Ямал ос Тюменский область акван-нётхатим элаль рүпитаңкве патэгыг.

Ты ётпос нилахойплов щислат Тюменский область 70 тәлэ товлыс. Наталья Комарова махум ты ялпың хоталыл яныгласанэ, ос Владимир Якушевын ёмшакв рүпитанётэ магыс пумащипа латың лавыс.

**Тамара
МЕРОВА**



ЛЯХХАЛЫТ

Күщаит ёт вāрыглан ёнгил

Вёртур ётпост нёлолов хоталт Хальёс районт Ясунт павылт ёлнэ нйврамыт ўщлахтын «Мань Ускве» мән округ губернаторув Наталья Комарова вертолётыл ёл-иссас. Тав ётэ тот вāщинтахтын кастыл депутатыг ёлнэ тит мāньщи нёг Татьяна Степановна Гоголева ос Надежда Геннадьевна Алексеева ёхталасыг. Тувыл нйврамыт ёт сав тал рўпитан «Мань Ускве» мā тармыл күщаиг ёлнэ нё Любовь Павловна Стаканова, яныгнув нйврамыт ёт тот ёлыс.

«Мань Ускве» нйврамыт губернаторув ёт ёхталан күщаит тара пёс порат ёщнэ лахрыл мастувёсыт ос пуңкыт ёщнэ сагыл нёгсалавёсыт. Наталья Комарова мāньщи супыл мастувес, пуңктёрыл пинвес ос мāньщи

хорамың ағииг пёриявес. Вāңын мāхманэ ос таве ўргалаңкве лāvвесыт. Та юи-пāлт ворт ёлнэ сома люльнэ пўсасың пāvлын вāнттувёсыт. «Мань Ускве» мāньлат хум мāхум ос тән ётаныл пёрщуңкв ёхтын щирыл



лāvхатсыт.

Тох ты ёнганыл та ёвылта-саныл. Губернаторув нйврамыт ос Мария Сергеевна Мерова ёт катын нёгумтан квāлыг лёмт сагуңкв ханищтахтас. Нэматыр хоса тән пўсасаныл тйврыт нас тох ат ёлсыт, «Мань Ускве» мāньлат хум мāхмыт хайтыл ёх-тыгпасыт, мўй мāхум пуңкын пиннэ саганыл хот та няртумта-саныл. Ёнганыл астынэ юи-пāлт яныг күщаиг ёлнэ мāхум мāнь нйврамыт холът, халанылт иң хоса номтанылт пентхатым по-тыртасыт.

Губернаторувн «Мань Ускве» нйврамыт ўщлахтын мā сака мўстыс. Тав лāvыс: «Тамле пўмаш ёнгил нёмхотты порат ат ёнгыгласум. Ам ань вāңын хотпанум нупыл сунсёгум, амтиротум номсёгум, тāнаныл ам тох апрамтахтым нёмхотты порат ат вāсанум. Нāн сака ёмас вāрмалъ ёлалъ тотёгын. Таимāг-сыл ам нāнанны яныг пўмашипа лāвегум».

Тувыл Наталья Владимировна «Мань Ускве» нйврамыт ўщлахтын колн тёрхāпыл яласан мотор ос ханты мāхум яласан мāньхāп мўйлупм. Тав ос хоса тāйтың лёмвой тōрың нйврамытын юнтым супохсал мўйлуптавёс. Акв та порат, акв-тамле супохсал «Мань Ускве» нйврамытын аквписыг нётмил вāрнэ мāгсыл Татьяна Степановна ос мўйлуптавес.

Тох ты мāн округувт ёлнэ яныг күщаюв «Мань Ускве» мāн ёхталас.

Любовь СТАКАНОВА
тётыглам потре
мāньщи лātныл
Александр ВЬЮТКИН
хансытэ.



Юртанэн кастувес

Ты этпос нёлоловит хоталэт Митрофан Алексеевич Тебетев 90 талэ товлынув. Тыи ханты ойка, тав катыл савсыр хурит пöслыс. Ювле-хультум хурум тал порат атымгы ёмтыс.

Ханты-Мансийскат Природы ос Человека нампa музейт рүпитан махум нам хоталэ кастыл суссылтап щёпитасыт. Тот тав төва пöслум хуриянэ суссылтавёсыт. Савыңпалэ хурит Шеркальский ос Хальүс музейт акван-атим олэгыт. Митрофан Алексеевич Октябрьский район Лохтоткурт павылт самын патыс. Ань ты мань павлэ пöхат Шеркалы павыл олы, тэн тот Тамара Васильевна Дюдорова ёт музей воруңкве номылматсыг. Мот махумн тэн ос нётвёсыг. Ётыл Тебетев щёмьятэ ёт Хальүс вантыс, тот рүпитас. Ань таимагыс Шеркалы ос Хальүс музейт ойка сав пöслум хуриянэ акван-атвёсыт, элалэ ургалым тот оныщавет ос махумн суссылтавет.


Ханты-Мансийскат тэн экватэнтыл ювле хультум хус арыгкем тал олсыг. Ойка тыт элалэ ос рүпитас. Маньлатыг олме порат тав Ханты-Мансийск үст ханищтахтас ос тонт үсхулыт, колыт пöслыглам. Та пасыл сав талыт ювле-хультыс, үст мот йильпи яныг колыт үнттүвёсыт, мот үсхулыл вөрвёс. Ань үс пёс олупсатэ Тебетев хуриянэ щир

рыл туп касалаңкве вөрмавет. Тан Природы ос Человека нампa музейт суссылтавет.

Тот кұцаиг рүпитан нё Светлана Лазарева суссылтапын атхатам махум ёт пашалахтас ос Тебетев ойка ванэ мүй хотпатын матыр потыртаңкве лавыс.

Өвлэт Людмила Алфёрова, губернатор ваңын хотпа палт советникыг олнэ нё, потыртас: «Ман ты хотал алпыл Митрофан Алексеевич ёл-щёпитам матэн ялсүв. Ойка памятникыл вөрвёс, ос таве тув тотыслүв. Ты элумхолас ам ёмашакв номилум. Ань овыл щёс ёмтыс, пöслум хуриянэ ман тав талэт суссылтыянув. Митрофан Алексеевич касың хуритэ урыл махумн такви потырталыс.

Олмет тав сака сав юрт ат оныщис. Ойка акваг мак киснэ латың ос пилтал хотпаг олыс. Кұцаит матыр люль тёла вөрёгыт ке, ты овылтыт тананылн лялът лавыглас. Ам тав ётэ Ханты-Мансийскат «Югра лылыёп» ассоциацият рүпитамум пасныл румалахтасум. Тав такви лавнётэ щирыл: «Ам ат рүпитан тулөвлыт оныщёгум, тананыл хурит пöслэгум. Ос савсыр



Ёмаспал нупыл Л.Ф. Струсь пöслым болы

тёланум мот хурум тулөвланумн воруңкве нётавём, тыи Людмила Алфёрова, Леонид Струсь ос Юрий Кондин».

Ты хотал пуссын тыг атхатам махумн пүмашипа латың лавёгум. Мирн ёмас тёлат вөрнэ хотпат пуссын номуңкве эрэгыт, тананыл ёрувляңкве ат эри».

Леонид Филиппович Струсь лавыс: "Митрофан Тебетев ёт мён 1994 пасныл вайхатуңкве патсумён. Тав, сол, төвнакт нас хотпат коньпал яныг кұцаит ос лывыльттасанэ. Олме порат тав такви колэт музей-кол

СОССАҢ МИР ӨЛҮПСА



щѣпитаңкве таңхыс. Ты тѣлатѣ
ѣлаль тотнѣ щирыл мѣн тавѣн
ѡс нѣтсѣв. Ты вѣрмалюв сѣвсыр
тѣрвитын ѣл пувыглавес, тохиң
ѣлаль нѣматыр вѣруңкве ат та
тѣртвесѣв.

Ам Митрофан Алексеевич
ѡвылтыт видео суссылтан утыт
ѡныщѣгум, тав ѡлупсатѣ ки-
нан пѡслыслум. Ты суссыл-
тапыт ѣнумн мѣйлуптан ху-
рииг ѡлѣгыт. Акв хурит
фруктыт пѡслысанѣ. Акв щѣс
ам тав палтѣ мѣйлуңкве щалт-
сасум ѡс ты атың утыт тот-
сум. Тав хот-мовалас ѡс лѣви:
«Сар лѣш, ам тѣнаныл ѡвлѣт
пѡслыанум, тувыл уш тѣганум».
Ѧнумн мѣйлуптам мѡт хуритѣт
соссаң мѣхум сѣс ѣнысѣн ѡс пи-
лыт пѡслысанѣ. Ты лѣума мѣ ѡс
сѣвсыр атың тѣнutyт ѡныщи
ѡс соссаң мѣхумытн ѣмашакв
ѣргалаве».

Тувыл Леонид Филиппо-
вич музейн акван-атхатам мѣй
мѣхум мѣгыс «Колесо судьбы»
ѣрыгсов лѣтѣнѣ ловиньтас, Те-
бетев ѡйкан ты ѣрыгсов сака
мѣстыс. Музейт мѣйлын мѣхум
мѣгыс Фаина Павловна Ишти-
мирова пѣс ййкв ййквыс, Юлия
Яркина сѣңквылтапыл
сѣңквылтас. Тѣн «Ялпус мѣхум»
нампа ѣргын-ййквнѣ тѣла
вѣрсыг.

Суссылтап сѣкыр ѣтпос вѣт
щисла мус рѣпитѣкве паты тах.

Тамара ХАТАНЕВА

Љвыл лѣккарѣв

Мѣ янытыл ѡлнѣ
соссаң мирыт Мир-
хал хѡталаныл кастыл
мѣн, ѡкругт ѡлнѣ соссаң
мѣхум, ѣмас мѣйлупсал
щѣпитавесѣв – Елена Ми-
хайловна Сагандукова урыл
нѣпак кон-тѣратавес. Тав
ханты ѣква, мѣн ѡлнѣ мѣвт,
мѣньщи ѡс ханты мѣхманув
халт, мѣк ѡвыл лѣккар тав
ты.

Елена Михайловна ѡйттур
ѣтпос нилыт хѡталѣт 1924 тѣлт
самын патыс, ѡс ѣтимыг ѣмтыс
мѣнь таквс ѣтпост 1984 тѣлт. Ты
туи ѡйттур ѣтпост тав 90 тѣлѣ
тѡвлынув.

Ты нѣпак Леонид Филиппо-
вич Струсь, ѡкруг янытыл пус-
малтан вѣрмалѣ палт ветеран
хѡтпа, ѡс Альбина Сергеевна
Глухих, «Новости Югры» руш
газетат журналистыг рѣпитан
ѣква, тѣн хансытѣн, намаястѣн
«Земли Югорской дочѣ».

Леонид Филиппович ѡс
Альбина Сергеевна ты лѣккар
ѣква урыл татем ѣмас нѣпак
хасмыг. Ѧнь тав хѡт самын па-
тыс, хѡт ѡлыс, хаништахтас,
хоты мѣт рѣпитас та маныр
пуссын ѣмашакв хасмѣн. Тѣн
потранѣн коны-пал тот сѣв мѡт
мѣхум потраныл хансым ѡлѣгыт
– сѣвсыр кѣштит, лѣккарыт ѡс нас
мѣхум,хотѣют Елена Михайловна
вѣстѣ, тав ляпатѣт ѡлыс манос
рѣпитас. Сѣв хури тув вѣрим
ѡлы.

Елена Михайловна намѣтыл
Ханты-Мансийск ѣст ѣсхулы
намтвес. Тав наме пѣрт тармыл
хасвес ѡс нѣврамыт хѡпсыяныл
пусмалтан пѣльница колнорн
нѡх-тагатавес. Тот тав сѣв
тѣл рѣпитас, яныг лѣккарыг
ѡлыс, нѣврамыт пусмалтас. Та
пѣльницат музей-колнак вѣрвес,
намаявес: «Комната-музей име-
ни Елены Сагандуковой».


«Земли Югорской дочѣ» нам-
па нѣпак хѡт кѣсалылын те,
ловиньтѣлѣн, тот хѡтпа нупыл
сымың ѣлумхѡлас, номтың ѡс
мѣтраң лѣккар урыл хансым
ѡлы. Акв хотты газетат мѣн тах
тав урѣт потыр хансѣв.

Светлана ХОЗУМОВА



Мā-вит мōт намыл пинвес

Ты туй ыйттур этпос 25 хōталēt «Природный парк «Кондинские озера» йильпииг намаявес – «Природный парк «Кондинские озера» имени Л.Ф. Сташкевича». Ты мā-вит ўргалан вāрмалъ Леонид Федорович Сташкевич тав ōвылтаме, тот тав сāv тāl рўпитас.



Л.Ф. Сташкевич

Ты мā-вит ўргалан парк тав намēтыл намтуңкве сāv хōтпа тахсыт, тāн пуссын сāv мāt рўпитēгыт: Советский район мирколт рўпитēгыт, экологыт, Советское лесничество, «Малая Сосьва» ос «Юганский» наппа заповедникыг, «Нумто», «Сибирские Увалы» ос «Самаровский чугас» паркыт рўпитан мāхум ос сāv мōт хōтпат.

Тувыл округ мирколт рўпитан мāхум тāн ēтаныл кāсашасыт, ты мā-вит ўргалан парк ōйка намēтыл та пинвес.

Леонид Федорович ыйттур этпос 19 хōталēt 1935 тāлт Ростов на Дону ўст самын патыс. Тав щēмьятēt пуссын учителяг рўпитасыт. 1965 тāлт Омск ўст физкультура ос спорт институт āстлас. Мāн мāвн ōйка 1970 тāлт ēхтыс, Советский ўст ōлмыгтас. Тот сāv мāt рўпитас – физкультура учителяг ōлыс, Советский райисполкомыт инженерыг, кол

ўнттын мāt бригадирыг ос мōт мāt рўпитас.

1976 тāлт тав «Малая Сосьва» наппа мā-вит ўргалан мāн кўщайг паттувес.

1981-1994 тāлытт Леонид Федорович «Остров Врангеля» ос «Курильский» заповедникыгт пуңк тотнē хōтпаг паттувес. Тот рўпитае сыс тав акваг мā-вит пōслыс, хурит вāрыс, матыр кāсалы, пуссын кинан пōслыанē. Мā-вит ўргалан урыл атпан арыг потыр хансыглас, хўрум нēпак тāраталыс, намаясанē – «Заповедник Малая Сосьва», «Арктическая заповедь. Записки директора заповедника», «Мои перевалы». Округув янытыл выставкат ōлыгланēныл порат тāv тот такви вāрум хуриянē мирн вāтихал суссылтāлсанē: «40 лет геологического поиска», «35 лет Шаимской нефти».

1995 тāлт ōйка «Кондинские озера» наппа мā-вит ўргалан парк вāруңкве номылматас, тот такви кўщайг патыс. Ань та мā-вит нēмхотьютн ул вос новаве, ул вос хилаве, тув нас мори яласан мāхум ул вос ялантēгыт, мā ул вос пāңктыяныл. Ты мāгсыл тот сāv хōтпа рўпитаңкве патыс – наука щирыл ос мā янытēt ўргалан щирыл, сāvсыр хōнтхатыглапыт вāруңкве патвēсыт. Ань мāхум акван вос хōнтыглахтālēгыт, мā-вит ўргалан урыл вос потрамēгыт. Та мāt мā-вōй нōх ул вос хилаве, ōлнē мāv курщипыг ул вос вāраве.

Мōлты таквсы Леонид Федорович āтимыг ēмтыс. ōйка ōлме палытыл мā-вит ўргалым ōлыс, сāv ēмас тēла вāрыс. Таимāгыс тав акваг янытлавес, мāглын тагатаң пōсытыл майлуwes. 2006 тāлт «Заслуженный эколог Российской Федерации» намыл мāйвес.

Светлана
ХОЗУМОВА

Округт ōлнē ятит мāхум!



Мāн, округ Думат рўпитан мāхум, нāнан мā янытыл ōлнē соссāн мирыт Мирхал хōталанылт янытлыанў!

Ты ялпың хōтал Мā янытыл ōлнē мирыт Акван-потыртахтам Мирколаныл (Организация Объединенных Наций) щирыл хус арыгтем тāl ты вāрыглāлаве. Мā янытыл ōлнē соссāн мирыт – ты ань мāv янытыл тāнти пēs йис ōлупсанылт ōлнē пўмыщ мāхум.

Округувт кит тамле мирыг ōлэг-мāньщиосхантымāхманув. Пēs йис тāгыл тāн тāнти ōлупсанылт ōлэгыт, мўтраң мāхманыл холът мā-витаныл ўргалым, культураныл, щāнь лātңаныл янытлым ōлэгыт.

Округувт ань мā-вōй нōх виве ос мā-витт ōлнē тының матар кинсавет, кātн-паттавет. Соссāн мирн тамле мāt ōлуңкве атхунь тārвитың. Тōванакт тāн тораставет, тāнти ōлупсанылт мўсхал щирыл ōлуңкве ат вērмегыт. Тāн мāгсыланыл мāнавн сāv ēмас тēла вāруңкве эри, тāн ань мўсхал щирыл ōлуңкве вос вērмегыт, тāнти культураныл нōх вос вōрмалтыяныл, щāнь лātңанылт вос потыртēгыт. Ам номсытēмт, ань соссāн мāхманув мāгыс хансыглам саккананув манос эрнē нēпаканув тāнанылн нētēгыт.

Округт ōлнē ятит мāхум, соссāн мир, нāнан ам ялпың хōталыл янытлыанум! Пуссын пұстагыл ōлән, сōтыңыщ, шуниңыщ ōлән!

Округ Дума кўщай
хум Б.С. Хохряков потре
мāньщи лātңыг
С. РОМБАНДЕЕВАН
толмашлавес

СОССАҢ МИР ӨЛҮПСА

Няврамыт пувлым ат астысыт

Ты хуритыт Хальүс район Лопмус павылт өлнэ маныщи махум пөслым өлэгыт. Ойттур этпос өвыл хоталанэ мощ хоталыңыг олсыт, та порат Лопмус павыл няврамыт пувлуңкве алымасыт. Ам ань кит агирищ ос кит пыгрищ урыл акв-кит латың лавуңкве таңхөгум – ты Диана Ромбандеева, Наташа Хозумова, Даниил Узаков ос Павлик Ромбандеев. Лопмуст кит саттем өлнэм сыс ты нила няврам касың хотал, хоталпалыт та пувлысыт. Хоталъятыг

иңыт емты, төва няврамыт иң хуегыт, ты нила агирищит-пыгрищит янанылт та сумыллэгыт. Налваль емөгум, Лопың ян нэгылттахтэгум, я-а, тән мовиньтым, рохтахтым ты пувлэгыт. Төванакт мощ вөтыңыг емтапалы ман раквалтахтыгылы, тән тох иң та пувлэгыт. Этипалаг ос лёмвоиңыг ман маныуиңыг емты, пуравет ман ати, танти та ваганыл, тот та ёнгөгыт, витн мурмыглэгыт. Тувыл тыхал касэгыт, ань хотьютаныл я тапалн моляхнувөг уйи. Юв та-кос вөвиянув, манавн хунь хунтлэгыт. Ань мощёртн таквсыиг ты емты, школан минэгыт, Лопың янанылт пувлуманыл урыл матыр потыр тах улпыл хансэгыт. Соль, тананылн нэм-хотты щарщ ат эри, тән сома щарщ ватат ушлахтасыт. Ты ятил няврамаквет пустагыл вос өлэгыт, сөтыңыщ вос яныгмөгыт!

**Светлана
РОМБАНДЕЕВА**



Даниил



Наташа, Павлик ос Диана



**Евгений Владимирович Юрьев
ампёныл хулпёг**

Сав нот өлнэ соссаң мирыт

Вөртур этпос онтоловит хоталэ - Мā янытыл өлнэ соссаң мирыт янытлан хоталаныл. Тамле вāрмаль ООН Генеральный Ассамблеят рупитан хотпатын 1994 талт вāрвес. Ты пора таимāгыс пёриявес, ты элы-палт 1992 талт вөртур этпос онтоловит щислат соссаң мирыт тэланыл ўргалан группа овыл щёс рупитаңкве патыс.

Мā янытыл 370 миллион савит элумхōлас соссаң мирыг ловиньтавет. Тан мā янытыл 70 савсыр хон мат өлэгыт. Ты мирыт пуссын танки мāкеныл ўргалым оныщияныл ос пёс йис наканыл элаль тотыныл. Россияв янытыл 47 савсыр нацият соссаң мирыг ловиньтахтэгыт. Тан пуссын акван-ловиньтавет ке, тьи 280 сōтыра элумхōлас. Тувыл тōва мāхум танки щиранылт намаим республикатт, областитт манос округытт өлэгыт.

Ханты-Мансийский автономный округт соссаң мирыт ялпың хоталаныл 2005 тал пāсыл янытлаңкве патвес. Тыт мощцаг хультам хўрум соссаң мир олы – тьи хантыт,

мāныщит ос ёрныт. 2010 талт Россия мāхум пуссын нёпакын хансым порат тамле вāрмаль тара-патыс: округувт 19 сōтыра 68 савит элумхōлас хантыг хасвёсыт, мāныщииг – 10 сōтыра 977 хотпа ос 1 сōтыра 438 ёрныт. Ёрныт савыңпālэ Ямал мат өлэгыт.

Ань соссаң мāхум янытлан хоталаныл кастыл округув янытыл ўсың манос пāвлың мат сыресыр пўмыщ вāрмалит щёпитāлавет. Ханты-Мансийск ўст касың тал соссаң мāхум «Тōрум Маа» нампa музеин мўйлуңкве вōвиньтāлавет. Ялпың хотал вāруңкве культура департамент ос «Югра лылыёп» ассоциация пāлыл матыр щёпитаңкве нётэг. Ты



тāl ялпың хотал нёлоловит хоталт вāрвес, тьи Митрофан Алексеевич Тебетев тав самын патум хоталэ. Ойка олнуке, 90 тālэ тōвлынув. Тыт тав пōслум хури-

янэ оc суссылтавёсыт, тав урётыл потыр-тасыт.

Тувыл Ульяна Николаевна Шульгина ханты мāхум пёс накыт ўргалан ос элаль





тотнѣтѣ магыс, сѣв рѣпата вѣрме магыс мѣйлупсал майвес.

Кышик пѣвѣлнѣл Лидия Алексеевна Алясова «Мощ хот» (мѣнѣши лѣтѣнѣ ши-рыл «Мѣйт кол») на-па ѣргын-ѣйквѣн колѣ ѣт тот мѣйлѣс. Мѣнѣши пѣсѣрыгсовтѣн сѣнѣквѣлтѣн порат, ѣква сѣс косамтѣлѣс ос мѣйл махум ѣлы-пѣлт такта-ластѣ. Тав ѣтѣ ѣхталам кит пыгыг «Вѣраян хум ѣйкв» ѣйквсѣг.

Мѣнѣлат нѣт Гали-на Яптина, Марина Кашпирева ос Юлия Яркина нѣтнѣ тѣнѣт сѣнѣквѣлтѣсѣт ос ѣтыл мащтырыг ѣйквсѣт. Мария Кузьминична Волдина апганѣ ѣт ѣс ѣргѣс, ѣйквѣс, тѣвѣл пуссѣн мѣйл махум Тѣрум нупѣл пѣйкщѣн лѣтѣнѣ лѣвуѣквѣ лѣвѣс. Соссаѣ мирѣт халт ѣлы мѣнѣл сѣв рущ манос мѣт хотпат ѣхтала-сѣт. Таи магыс пус-сѣн рущ лѣтнѣл «Све-та и добра!» сѣт щѣс рѣнѣхувласѣт ос тѣвѣл акв мѣт лѣѣлим хѣрум щѣс мувѣлахи ѣхсѣт.

Ханты-Мансийск ат-пан нупѣл кит хотпат

нилахойплов сѣвсыр ѣсыѣ мѣнѣл ѣхтала-сѣт. Тѣнѣкинѣнѣл тѣн «ѣтноѣкспѣдиѣяг» лѣвѣянѣл. Тѣн хала-нѣлт вѣт нупѣл хот ханищтахтѣн нѣврам ѣлы. Ты ѣгирищѣт-пыгрищѣт ханты ос мѣнѣши махум ѣлупсѣнѣл пѣм-щѣлѣянѣл.

Ялпыѣ хотѣл вѣрнѣ магыс «Тѣрум Маа» му-зейт рѣпитѣн хотпатн ѣнас пѣмащѣпа лѣ-вуѣквѣ ѣри. Тѣн ак-ваг нѣврамыт магыс сыресѣр касѣлыт вѣрыглѣгыт. Тѣвѣл мѣйл махум ма-гыс атыѣ тѣнут пѣйтѣгыт. Мѣт мѣнѣл ѣхтум хотпатын нѣ-нѣнѣл сака мѣстыс. Тав хѣл коласѣл вѣрим ѣлыс, нѣврамыт та-кем тѣпѣяласѣт. Ты конѣпѣл сыресѣр ка-сѣлыт кассѣт, пѣс-лысѣт, ѣнгѣсѣт. Ты ѣвѣлтыт ам тах ѣнас потѣыр хансѣгум.

Хотѣл пѣлыт ѣмас, посѣн хотѣлыг ѣлыс, мѣйл махум пѣмщѣг ѣщѣлахтѣсѣт.

**Тамара
МЕРОВА**



Хусыт тәлэ та тōвлыс



Хальүс районт Ясунт павылт өлнэ нъяврамыт үщлахтын «Мань Ускве» ма касың тув рүпиты. Ты тал тав хусыт тәлэ тōвлыс. Щар өвлэт тав рүпитаңкве өвылтахтаме порат тот нәматыр атим олыс. Тонт ты маныңи мирув пуссын аквщир номт оныңим, акван-нётхатым ань өлнэ «Мань Ускве» вәрсаныл. Щар яныг нётмил Татьяна Степановна Гоголева вәрыс. Ты магсыл мән тананылн яныг пұмаципа латың лавев.



Мощ мōлалнув «Мань Усквет» йильпи смена номылматым олыс. Та смена палытэт аквписыг сәт хōтал мины, тав рұщ ләтңыл «Время поющих стрел» ләваве.

Ань ты порат өлнэ ёныг урыл ану́мн тув ялум манылат хум Сергей Ремизов потыртас. Нән ань тав потре элалъ ловиньтэлын.

– Тыталвәрыглам пұмашаныл ойттур этпост вәт нупыл атыт хōталэт өвылтасаныл, ат хōтал сьс олыс. Округ янытыл сәв нъяврам тув ёхталас. Ханты-Мансийск үсныл, Ягримныл, Хальүсныл, Кульпасныл ос Хулюмсунтныл махум ёхталасыт. Аквёт пуссын нелсәт ләпатем хōтпа олыс. Тув ялантан нъяврамыт сәвыңпәлэ халанылт вәйхатэгыт, юртыңыщ өлэгыт.

Смена өвылтахтын хōтал, хунь нъяврамыт Ясунт павылн тотвёсыт этипалаг выгыр нампа ёрнкол котилът аращ палтыглан порат халанылт пуссын ёрнэ щирыл вәйхатасыт. Касың нъяврам такви урёт, вәрыглам тәланэ урыл мощ потыртас.

Мōтыт хōталыт, әлпыл нъяврамыт магсыл Москва үсныл ёхталам нә Елена Геннадьевна Федорова тыт өлнэ пёс пора олупсав урыл потыртас. Елена Федорова яныг үсың мāt студентыг өлнэ манылат махум ханищтан нэг рүпиты. Мән пёс йис махманув олупсаныл урыл тав сәв ханищтас.





Хотальят юи-палт агит, пыгыт щёпитахтын щирыл лăкквaminaсыт. Агиришит танти магсыланыл пуңкын пиннэ тор ос тучаң юнтсыт. Ас-угорский маньлат махум ёт рупитан хум Руслан Богордаев пыгришит «Нюл тахли» нампa пёршил ханищтасанэ. Хум няврамытын ты пёршил сака мустыс, халанылт тан иң хоса пёршисыт.

Титит хоталт пыгришит халанылт титтыг уртхатасыт. Та элыпалнувет ос мак шар яныг кўшаиг ос судьяг щирыл Владимир Меров ос Константин Георгиевич Адин олункв лаввесыг. Та юи-палт уш уртхатаңкв овылтахтасыт. Титтыг мингалан порат акв савит ёр ошнэ щирыл уртхатасыт. Та юи-палт халанылт яныг олнэ канациг пёриясыт. Канациг Валера Сайнахов ос Вадим Чекмазов олункв лаввесыг. Тувыл танти халанылт хумус лавхатнэ нам пёриясыт.

Владимир Меров ос Вадим Чекмазов махманэ «Нила вот хон махум» намыл намтхатсыт. Константин Георгиевич ос Валера Сайнахов «Лўи я махум» лавхатасыт.

Агиришитоспуңкынпиннэтор ос тучаң юнтнэныл юи-палт Мария Сергеевна Мерова мащтыр юнтмилыл юнтым агит пёрияс. Шар хорамың юнтмиланыл Люба Артеева, Влада Штакм ос Даша Татаринава олсыт. Тан халанылт Люба Артеева нётнэ маньщи агииг пёриявес.

Хўрмит хотал алпыл хумус эри масхатасыт, ёт винэ пормасаныл щёпитасаныл лăкква та ми-



насыт. Константин Георгиевич такви «Лўи я» махманэ ёт ворт олнэ пўсас тиврын миначыт. Владимир Меров «Нила вот хон» махманэ ёт ос ворын миначыт.

Ёнгын порат пўсас тивыр махум маньщи нётнэ агияныл ўргалым олэгыт. Таве пўсас тиврыт олнэ ма кол тиврыт оньщияныл. Ворт олнэ махум ватихал ворт павлын хонтлуңкв ёхталэгыт. Хум няврамыт пуңканылн сагыл нэгсаласаныл. Хотьют саге пуңкёныл хот-хасумтаве, та хотпа ёнгын маньлы похан квалы. «Мань Ускве» ёрнколыт олнэ ман тара тув та мины.

Овыл ёнгасан хоталт Константин Георгиевич ёт олнэ нявраманэ ворт павлың ёнгасан мат нох-патсыт. Та юи-палт ос ёрнкол похат олнэ сыстам

мат пёршиманыл порат тан ёлпаттувёсыт.

Мотыт хоталт ос Владимир Меров нявраманэ ёт ос акв та щирыл ёмтыс. Ысың мат тох та каймыт, акв лялыт ёхтынэ сыстам мат тан пуңк саганын пуссын хот-хасумтымат. Ты тал нэмхотьютаныл нох ат патыс. Халанылт тан титгыл-титгыл нох-патыгласыт.

Юи-овыл хоталанылт Хулумсунт махманув магсыл вертолёт ёхталаме юи-палт «Мань Ускве» няврамыт олнэ мананыл хот щёпитасаныл. Ёрнкол парщинаныл тослысаныл, олнэ мананыл округ губернатор Наталья Комарова ёхталан кастыл щёпитасаныл.

Александр АНЯМОВ

Кәркам мәньщи хум

Мәләл Лангепас үсн ялмумт мән аквѣт рүпитан нәмәнтыл «Фортуна» намба колн ялуңкве лавхатсумән. Тот, лавѣгыт, пұмыш хөтпат ęt вайхатымән ос акв мәньщи хум ęt хөнтхатахтымән. Хум наме Евгений Игоревич Захаров, тав «Фортуна» намба центрыт кұшаиг рүпиты. Тот нйврамыт ос мәньлат мәхум савсыр тәланыл ęt рүпитѣгыт.

Мән Евгений Захаров кәсаланәмән порат таве тара ханьщисламән. 2006 тәлттәлытав Антонина Ануфриева ęt Ханты-Мансийскан ętхалас ос «Дед Мороз и Снегурочка» Россия янытыл вәрыглан касылыт кассыг. Тән маснутаңн сосаң мәхманув хансал хорамтасанән. Төнт тән нөхпатсыг ос хөн мән Париж үсн ялнә пүтѣвкәл мүйлүптәлвесыг.

Ань Евгений Игоревич такви рүпататә ос олупсатә урыл таи лавыс:

РҮПИТАН КОЛ УРЫЛ

– Мән ты колув 2006 тәлт яныг таквс ętпост рүпитаңкве патыс. Овлѣт мән культура тәлат щырыл түп рүпитасүв. 2009 тәл пәсыл нйврамыт ос мәньлат мәхум мәгыс вәрнә тәлат ос тыг тотвѣсыт. Тувылцентрыгләвүңкве патвѣсүв. Рүпатав культура пәлыл элалә ұргалаве кос, ос сав тәлат

образование нупыл олѣгыт. Ань мән ат савсыр программа щырыл рүпитѣв: тыи үсувт савсыр мирыт культураныл суссылтан вәрмәл, щѣмьят ęt рүпитан вәрмәл, нйврамыт үщлахтаң остуи рүпата нѣтнә тәла, коррупция вәрмәлит тәра-паттын накыт ос мәньлат мәхум тәланыл ęt рүпитан палата. Ты тәланув вәрнә мәгыс мән культура ос образование пәлыл олныл тәставѣв. Төванакт мән ки матыр проектыт щѣпитѣв ос грант щырыл олн сәлѣв.

Щѣмьят ęt рүпитан колнакыт психологыт, юристыт рүпитѣгыт. Тән щѣмьян хөтпатын тәрвит тәланыл порат нѣтѣгыт. Мөт колнакыт нйврамыт хотталә үщлахтаң миннәнәл порат манос туи сыс рүпата кинсүңкве нѣтавет.

Пуссын маныр тәлат ęt мән рүпитѣв, таит «Молодежное информационное агентство» намба колнакт рүпитан агитн-



пыгытн ляххалыг, потрыг хансавѣт ос ищхыпың утын вәравет. Ты коньпал тән сыресыр хурит пәслѣгыт ос нѣпак-лөпсыт вәрѣгыт. Матыр пұмщалахтаң утыт урыл интернет лөпсувт нән ки тах ловиньтаңкве вәрмегын.

САВСЫР МИРЫТ СУССЫЛТАН КОЛНАК

– Ты колнакувт 2007 тәл яныг таквс нила щислат, сав мирың мәхум акван-юрщхатан ялпың хөталт рүпитаңкве овылтахтасүв. Төнт нила мирколыт хәлт аквѣт рүпитан, акван-нѣтхатнә нѣпак хасвѣс, тыи үс миркол, үс Дума, «Лангепас нефтегаз» кол ос савсыр мирыт ęt рүпитан организация. Лангепас үсувт сәтхойплов савсыр мәхум акван-атхатнә янас организация оныщѣгыт.

Тән ань пуссын тыт акван-атхатахтыгләгыт. Тыт кәсың мир урыл суссылтап щѣпитым олы. Ұсың мәхумн пѣс олупсаныл, маснутаңыл суссылтавет. Тувыл акв хотты хөталт акв хотты мир тыт эрганә, йикванә суссылтаңкве акван-атхатѣгыт. Тыт янгемәне мәхум пуссын аквѣт үщлахтѣгыт, кәс вәрѣгыт. Таи мәгыс концерт вәрнә кан оныщѣв.



Центрув мот савсыр ёмас колнакыт ос оныщи. Тованакт хотты вәрмалянув урыл потыртаңкве эрмыгы ке, мән яныг кўшаит тыг вовиньтәлыянүв. Савсыр политикыт, спортсменыт, артистат тыг мүйлүңкве щалтсәгыт. Ты коньпал махум эт вайхатуңкве пуп ойка ос имам ойка эхталэг. Няврамыт ос мәнълат махум магыс «толерантность» хаништан нак вәрыглэв. Касың хөтпа такви махманэ коньпал мот мирыт эруптым ос ванэг вос оныщиянэ.

Акв колнак ёмас ишхипың утыл вәрим олы. Тот махманув мот ўсыт оlnэ махум эт телемост щирыл потыртаңкве вөрмәгыт. Молтынув мән белоруссанув Москва ўст оlnэ белоруссыт эт потыртасыт.

Лангепаст сосаң махманув тәланыл эт Маргарита Филипповна Заяц рүпиты.

«ФОРС-МАЖОР» ТЕАТР УРЫЛ

– Ты театрувтыл школат хаништахтын яныг няврамыт эт «Бесстрашная Татьяна» нампаспектакль щәпитасүв. Тав А.М. Конькова хансум мөйтанэ щирыл олы. Таве суссылтамув юи-пәлт «Образцовый театр» намыл майвесүв ос грант-олнвисүв. Акв пал савит оlnэ нәтнэ маснутыт магыс холтсанүв, мот олнытыл йильпи проект щәпитэв. Сустөмт, ты няврамытын сосаң махум пәс наканыл ваңкве сака пүмшиг олы. Тән савсыр мирыл олэгыт, мотмөт школат, савсыр классыт хаништахтэгыт. Ос тыт акванюрщхатасыт. Таи люль, ты тәлтөват хаништахтуңкве әстэгыт, ос мот ўсн минэгыт.

ТАКВИ РҮТЭ УРЫЛ

– Ам рүтанум щирыл хөнтаң мәнъщииг олэгум. Яныг пыгум школат хаништахтаме порат «Рүт махум» оlnэ накытыл кисхатас. Кисхатам тәлатэ XVII нотэ мус тотыстэ. Тувыл таи тәра-патыс, мән Сатыга канаш-ойка рүтыг олэв. Яныг анёквამ әще опарищ наме Сатыгина, тәнки ос Сатыга пәвылт олсыт. Антон пыгум ты урыл пәс эрнэ нәпакыт ос хурит хөнтыс.

Эквამ рүт махманэ ос кинсуңкве овылтахтас. Тән Пи-



тухина опарищ намыл олэгыт. Ты махум Петр I ляпат акваг олмыт.

Антон ань Санкт-Петербург ўст «Экономика и управление связи и строительства» тәлатын хаништахты. Григорий, мәнънув пыгум, мощёртын школа әстлы.

Амки рүпатамт ам төва де-

путатытн, предприниматель-хөтпатын яныг пүмашипа ләтың ләвуңкве таңхөгум. Тәланув ёмасыг вәрнэв магыс тән мәнәв олныл нәтыяныл.

**Тамара
МЕРОВА**

Өлнэ колыт үнттын урыл ляххал

Мощ мōлалнуве Ханты-Мансийск үст ОТРК РИЦ – Югра намба колт ляххал тотнэ махум губернатор ваңын хум Дмитрий Викторович Шаповал ёт хōнтхатыглахтасыт. Тав округ янытыл савсыр колыт үнттын вәрмалы палт күщайг олы.

Өвлөт Дмитрий Викторович кол үнттын махум ялпың хōталанылт янытласанэ. Тав лавыс: «Тан вәрнэ рупатаныл магсыл ам тананыл аквписыг ёмас лātңыл ұлылыяну. Ты тал сыс округув янытыл акв миллион савит метра өлнэ кол үнттувес. Ты магсыл ам тананыл яныг пумащипа лавегум».

Щар өвыл щёс кол үнттын махум ялпың хōталаныл 1956 талт янытлавес. Тувыл элалы касың тал вōртур этпост титыт ұщлахтан хōталыт тан ұлылавет. Дмитрий Викторович махманэ

янытлан маныл аstumе юи-палт ляххал тотнэ хōтпатн титыглавес:

– Соль, ань округувт сав яныг, карс ос хорамың колыт үнттавет! Ты үнттын колыт, аман соль, тамле тākсарыг олэгыт, хумус ты урыл кол үнттын махум лавегыт?

– Ман тан рупатаныл ватихал уральтыянув. Кол үнттуңкве өвылтахтынэныл элы-палт манавн тетум договор нэпаканыл щирыл тан палтыланыл минэв. Нэпаканылт хансум ос пōслым щирыл уральтыянув, ат алыманэныл порат хōталыл майдыянув. Рупатаныл элалы ат нэвумтан порат олның штрафыл пиныянув. Хүрмиттыг ёхтынэв, рупатаныл акв мат люли те, кол үнттын щирыл өщнэ нэпаканыл хот та выганув. Нэпаканыл магсыл тан сака пилэгыт, таи магсыл тан ёмашакв ос эрнэ щирыл мōлях вāрегыт.

Күщай хум өс акв вәрмалы урыл титыглавес:

– Округув янытыл сав йильпи маньлат щёмья олы. Тан магсыланыл матыр үнттаве манос ати?

– Савыңпалэ ман тан маг-



сыланыл колыт ты үнттэв. Та өлнэ колыт «Эконом-класс» колыг лававет. Шар яныг тамле кол 59 квадратный метран туп ёхты. Яныгну-вөг таве вāруңкв ат рōви. Тамле колыт маньлат махум магсыл ты номылматвёсыт. Ань йильпи колыт ёвтнэ магсыл савсыр нётмил вәрнэ саккон сав пирмайтым олы.

Округ матэ яныг өлнэ щирыл ты пирмайтан тэланув пуссын эрнэ щирыл ат рупитэгыт. Тананыл уральтаңкв тārвитың. Өлнэ кол ёвтнэ щирыл ань Нижневартковский районт шар лыпаш, кол тынэ тот сака яныг ати.

– Ты тал сыс нйврамыт хаништахан ос савсыр мōт кол маңах үнттувес ос үнттаве?

– Округув янытыл нйврамыт хаништан магсыл сātхойплов кол үнттаве. Тувыл титхойплов кол маңы нйврам үрнэ колыг вāравет. Тувыл ос Нижневартовск үст махум пусмалтан кол элалы вāруңкв өвытлавес. Тав сав тал үнттуңкве ат вөрмувес, ань тав юи-өвыл атыт наке аствале. Та коньпалт ос Сургут үст махум пусмалтан яныг кол үнттаве. Тувыл Нефтеюганск үст каснэ магыс округув янытыл мак яныг кол үнттаве. Мōщёртын ты асты, ань тйвыр рупатанэ вāравет. Тав рупитан щирыл сұкыр этпост тах та пұнсаве.


Александр ВЬЮТКИН



НЯВРАМЫТ МАҢСЫЛ

Сунсән ос пусмалтахтән

Ань ищхипың ут хосыт сыресыр пұмыщ ляххалыт, кинат манос мультикыт хонтуңкве рөви. Мобал тот сунсыглах-тым мән «Зарядка вәрнэ тэла» ос «Закаливание» нампа мультикыг хонтсұв. Тән тамле пұмашц оныцег, ань савсыр мирыт латңаныл щирыл толмашцлымаг.



Мән округт оlnэ соссаң латңыгн ос толмашцлымаг. Тамле тэла округувт «Центр медицинской профилактики» палыл вәрвес. Ань маныщи латңыл эрыгсов холыт тән Петр Анямо-вын эргавег, ханты латңыл ос Ульяна Данило. Ань ты маныщи эрыгсовыг ел-хассагұв, нән ловиньтән.

ГИМНАСТИКА-ЭРЫГСОВ

Ёмтапи те тамле вәрмалъ

Урок тал ос рупат тал,
Тара спортыг лавнэ магыс
Хонтыгпёв мән потрың хал.
Мән ты хотал нанан лавёв,
Олуңкве пустагыл хумус,
Поргын вәрмалъ суссылталэв,
Вагтал ул патэн ты мус.
Молях аквёет поргащлэва,
Лагланува такталэва,
Ёрнув тан вос ёмтапегыт.
Акв ман агманув похан
вос минёгыт,
Ювле ул вос ёхтэгыт.
Ань ос катыл рупитэва,

Ёр вос катыт оныщиглэва,
Сунсән, хумус нётнэ
упражнение,
Варуңкве тах нанан!

Варён ты щир, варён та щир,
Тонт ёрыг ёмтэгын,
Варён ты щир, варён та щир,
Тонт апрыг ёмтэгын,
Варён ты щир, варён та щир,
Тонт нётнэг ёмтэгын,
Варён ты щир, варён та щир,
Тонт пусыг олэгын!

ЗАКАЛИВАНИЕ-ЭРЫГСОВ

Упражнение юи-палыт
Эри молях ёр кинсуңкве.
Тыммагыс эри касың хотал
Алпыл полям витыл
сосхатаңкве.
Такмалтахтән лашмарылыл,
Такмалтахтән аквписыг,
Акв ман агм урыл ёрувлэгын,
Тэрпит урыл ёрувлэгын,
Нэмхот аквтоп агм,
нэмхот асың.
Туи порат такмалтахтән,
Сэит поваралэн,
Ёнген, пувлэн, апмрамтахтән,
Алпин котралэлбн.
Хунь та тэлы пора овылтахты,
Товнакт ёса масэн,
Торген ащирма сёнкв лылтэн,
Агмын пусмалтаңкве хасэн.

Варён ты щир, варён та щир,
Тонт ёрыг ёмтэгын,
Варён ты щир, варён та щир,
Тонт апрыг ёмтэгын,
Варён ты щир, варён та щир,
Тонт нётнэг ёмтэгын,
Варён ты щир, варён та щир,
Тонт пустагыл олэгын!

Ань хотты хотпа ты вәрмалитыл пұмшалахтуңкве паты ке, тав ищхипың ут хосыт элалъ вос кихаты. Таиммагыс овлёт «Гимнастика» манос «Закаливание» латың хансән, тән похатән маныщи латың хұлтән, тувыл «видео» палт вәрелбн. Та юи-палт эрнэ утыт тот нэглэгыт тах.

Ятил няврамаквет, манытагыл пусмалтахтән, пустагыл олэн!



Вөрың мāt ұщлахтасыт

Ты хурит Хальүс район Ясунт павылт «Мань Ускве» ұщлахтын мāt нйврамыт пōслым өлэгыт. Тан пуссын вати-хал тув ұщлахтаңкв ялантэгыт, халанылт ёмашакв вайхатэгыт, а кв а н - н ё т х а т ы м юртыңыщ өлэгыт.

Мощёртн ұщлахтан хоталанылт ойгпегыт. Хоты маныл, хоты витныл өлнэ ятил нйврамаквет ёмашакв вос хаништахтэгыт, пустагыл вōс өлэгыт, Най-Отыранылн вос ұргалавет!

Александр АНЯМОВ



Злата Савчук



Снежана Савчук
ос Катя Вынгилева



Никита Вынгилев



Максим Адинос
Иван Гаврильчик



Никита Меров



Никита Огарта



Денис Попов



Сергей Пуксиков

Луима сэрипос
(Северная заря)

№16 (1082), 22.08.2014

Соучредители
Дума, Правительство
Ханты-Мансийского
автономного округа – Югры

Издатель
Департамент общественных
и внешних связей Ханты-
Мансийского автономного
округа – Югры

Редакция

Главный редактор –
Решетникова Р.Г.
Телефон (3467)33-36-82

И.о. заместителя главного
редактора – **Узель В.В.**
Телефон (3467)33-22-72

Старший корреспондент –
Ромбандеева С.М.
Телефон (3467)33-23-09

Адрес редакции и издателя:
628011, г.Ханты-Мансийск,
ул.Комсомольская, 31
тел./факс (3467)33-17-52

E-mail: luima@ugracom.ru
Газета размещена на сайте
kms.admhmao.ru

Отпечатано:
ОАО «Издательский дом
«Новости Югры» г. Ханты-
Мансийск», ул. Мира, 46.

Подписано в печать:
по графику 20.08.2014 г.
в 15.00.; фактически
20.08.2014 г. в 15.00.
Индексы **04399, 54399**

Тираж **1750 экз.**
Заказ **1406**
Цена свободная
Мнение авторов
публикаций не
обязательно отражает
точку зрения редакции.

Газета зарегистрирована
Управлением Федеральной
службы по надзору в сфере
связи, информационных
технологий и массовых
коммуникаций по Тюменской
области, ХМАО-Югре и
ЯНАО.

Свидетельство о регистрации
ПИ №ТУ
72-00795 от 23 января 2013г.